

## ВЕЧЕРНЯ С ЧИНОМ ПРОЩЕНИЯ

### СТИХИРЫ НА ГОСПОДИ ВОЗЗВАХ:

**Господи, воззвах к Тебе, услыши мя. / Услыши мя, Господи.**

**Господи, воззвах к Тебе, услыши мя: / вонми гласу моления моего, / внегда воззвати ми к Тебе. / Услыши мя, Господи.**

**Да исправится молитва моя, / яко кадило пред Тобою, / воздеяние руку мою / – жертва вечерняя. / Услыши мя, Господи.**

Положи, Господи, хранение устам моим и дверь ограждения о устнах моих.

Не уклони сердце мое в словеса лукавствия, непщевати вины о гресех

С человеки делающими беззаконие; и не сочтуса со избранными их.

Накажет мя праведник милостию и обличит мя, елей же грешного да не намастит главы моея;

Яко еще и молитва моя во благоволениях их, пожертвы быша при камени судий их;

Услышатся глаголы мои, яко возмогша, яко толща земли проседесе на земли, расточашася кости их при аде

Яко к тебе, Господи, Господи, очи мой; на тя уповах, не отими душу мою;

Сохрани мя от сети, юже составиша ми, и от соблазн делающих беззаконие.

Падут во мрежу свою грешницы; един есмь аз, дондеже преиду.

Гласом моим ко Господу воззвах, гласом моим ко Господу помолихся.

Пролию пред ним моление мое, печаль мою пред ним возвещу.

Внегда исчезати от мене духу моему, и ты познал еси стези моя;

На пути сем, по немуже хождях, скрыша сеть мне.

Сматрях одесную и взглядах, и не бе зная мене; погибе бегство от мене, и несть взыскаю душу мою.

Воззвах к Тебе, Господи, рех; Ты еси упование мое, часть моя еси на земли живых.

Вонми молению моему, яко смирихся зело;

Избави мя от гонящих мя, яко укрепилшася паче мене.

**Изведи из темницы душу мою, исповедатися имени Твоему. [ГЛАС 3]:**

Вельми согрешающа мя, / и тебе огорчевающа Благаго Владыку, и милостива естеством, / обращающаяся, яко блудного приими мя, / и единого от наемник твоих сотвори мя, // небесный Отче.

**Мене ждут праведницы, дондеже воздаси мне.**

Леностию жития меру преидох, / и к концу уже окаянный приближился, / не помышляю ждущаго мя суда, / и от Бога отпадения: // но обратив мя спасе сих всех исхити.

**Из глубины воззвах к Тебе Господи, Господи, услыши глас мой.**

Разсеянный мой ум собери Господи, / и оляденевшее сердце мое очисти, / яко Петру дая ми покаяние, / яко мытарю воздыхание, / и якоже блуднице слезы, / да велиим гласом зову Ти: / Боже, спаси мя, // яко Един Благоутробен и Человеколюбец.

**Да будут уши Твои, внимлюще гласу моления моего.**

Множицею пение совершая, / обретохся грех скончавая, / языком убо пение вещая, / душею же безместная помышляя: // но обое исправи Христэ Боже покаянием, и спаси мя.

**Глас 2: Аще беззакония назриши, Господи, Господи, кто постоит; / яко у Тебе очищение есть.**

[Стихирь Триодь]:

Воздержанием тело смирити вси потщимся, / божественное преходяще поприще непорочного поста / и молитвами и слезами Господа спасающего нас взыщем, / и забвение злобы всеконечное сотворим, вопиюще: / согрешихом Ти, спаси, якоже древле ниневитяны Христэ Царю, // и общники ны сотвори небеснаго Царствия Благоутробне.

**Имене ради Твоего потерпех Тя, Господи, потерпе душа моя в слово Твое, / упова душа моя на Господа.**

Себе отчаяваю, помышляя дела моя Господи, / всякаго мучения достойная: / се бо презрев честныя Твоя спасе заповеди, / блудно мое житие иждих. / Темже молюся, тучами покаяния мя очистив, / постом и молением яко един милостивый просвети, // и не гнушайся мене Благодетелю всех, и Преплагий.

**От стражи утренния до ночи, от стражи утренния, да уповае Израиль на Господа.**

Постное время светло начнем, / к подвигом духовным себе подложивше, / очистим душу, очистим плоть, / постимся якоже в снедех от всякия страсти, / добродетельми наслаждающиеся духа: / в нихже совершающиеся любовью, / да сподобимся вси видети / всечестную страсть Христэ Бога // и святую Пасху, духовно радуящиеся.

**Глас 8: Яко у Господа милость, и многое у Него избавление, и Той избавит Израиля от всех беззаконий его.** *[СТИХИРЫ СВТ. ЛЬВА, ПАПЫ РИМСКОГО]:*

Что ты именуем, Богодохновенне?! главу ли православныя Церкви Христовы/ око ли благочестия,/ зрети явлено сердцем разум духовный,/ всем источающий концем слово жизни,/ Богоначертанный свиток веры правыя?!// Моли спастися душам нашим.

**Хвалите Господа вси языцы, похвалите Его вси людие.**

Что ты ныне пронареку, чудне?! проповедника ли истины и основание твердо?! старейшину верховнаго собора честнаго,/ правило учений известно/ и мерило имущее исправление,/ несторию разделение и Евтихиево слияние отсекающа// Богоплетенными явлениями.

**Яко утвердися милость Его на нас, и истина Господня пребывает во век.**

Что ты ныне нареку, дивне?! начальника ли и царя телесных страстей,/ душевное владычество направляюща светло?! Божественнаго милования сосуд,/ любве совершенныя жилище?!/ человеколюбезна согрешающим, обращения ожидающа?!// Моли спастися душам нашим.

**СЛАВА, И НЫНЕ:** Кому уподобилася еси, окаянная душе,/ к покаянию никакоже вознучи/ и огня не ужасающися, злых ожидающаго?/ Востани, и едину к заступлению скорою призови, и возопий:/ Дево Мати,/ моли Твоего Сына и Бога нашего// избавити мя от сети лстываго.

**СВЁТЕ ТИХИЙ** святыя славы Безсмертнаго Отца Небеснаго, Святаго, Блаженнаго, Иисусе Христе! Пришедше на запад солнца, видевше свет вечерний, поем Отца, Сына и Святаго Духа, Бога. Достойн еси во вся времена пет быти гласы преподобными, Сыне Божий, живот дай; темже мир Тя славит.

*ПРОКИМЕН ВЕЛИКИЙ, ГЛАС 8:* **НЕ ОТВРАТИ ЛИЦА ТВОЕГО ОТ ОТРОКА ТВОЕГО, ЯКО СКОРБЛЮ, СКОРО УСЛЫШИ МЯ: ВОНМИ ДУШИ МОЕЙ, И ИЗБАВИ Ю.**

*СТИХИ:* Спасение Твое Боже да примет мя.  
Да узрят нищии, и возвеселятся.  
Взыщйте Бога, и жива будет душа ваша.

**СПОДОБИ, ГОСПОДИ,** в вечер сей без греха сохранитися нам. Благословен еси, Господи, Боже отец наших, и хвалю и прославлено имя Твое во веки. Аминь.

Буди, Господи, милость Твоя на нас, якоже уповахом на Тя. Благословен еси, Господи, научи мя оправданием Твоим. Благословен еси, Владыко, вразуми мя оправданием Твоим. Благословен еси, Святыи, просвети мя оправданием Твоими.

Господи, милость Твоя во век, дел руку Твоею не презри. Тебе подобает хвала, Тебе подобает пение, Тебе слава подобает. Отцу и Сыну и Святому Духу, ныне и присно и во веки веков. Аминь.

*СТИХИРЫ НА СТИХОВНЕ [Триоди постной, глас 4]:*

**ВОЗСИЯ БЛАГОДАТЬ ТВОЯ ГОСПОДИ,** / возсия просвещение душ наших./ Се время благоприятное, се время покаяния,/ отложим дела тмы, и облечемся во оружия света:/ яко да преплывше поста великую пучину,/ в тридневное воскресение достигнем,/ Господа и Спаса нашего Иисуса Христа, // спасающаго души наша.

**К Тебе возведох очи мой, живущему на небесы. Се яко очи раб в руку господий своих, яко очи рабыни в руку госпожи своея, тако очи наши ко Господу Богу нашему, // дондеже ущедрит ны.**  
Возсия благодать Твоя Господи... - повтор предыдущей стихир

**Помилуй нас Господи, помилуй нас, яко по многу исполнихомся уничижения: наипаче наполнися душа наша поношения гобзующих, // и уничижения гордых.**

Прославляемый в памятех святых Твоих Христе Боже,/ от них умоляем, // низпосли нам велию милость.

**Дому Твоему подобает святыня, / Господи, в долготу дней.**

Да род наш от смерти, Христе, избавиши,/ смерть претепел еси:/ и тридневен из мертвых воскрес,/ с собою воскресил еси,/ иже Тя Бога познавших:/ и мир просветил еси. // Господи, слава Тебе.

**СЛАВА, И НЫНЕ:** Ангельстии чини Ты Богомати прославляют:/ Бога бо Всечистая родила еси,/ Отцу, и Духа соприносущна,/ и ангельская воинства от не сущаго хотением поставивша./ Егоже моли от тли спасти и просветити души православных, // Тя воспевающих Всечистая.